


瀛


環

志

略

歐羅巴圖







歐羅巴

歐羅巴

或作友羅巴

一土在亞細亞極西北隅以烏拉大嶺爲界

詳我羅斯

圖說中國之所謂大西洋也絕長補短約得亞細亞四分之一西距

大西洋海海水由西北灣環注入大地曰波羅的海

一作八得海俗名黃海

轉注東北分兩汊約三四千里波羅的海之南海水由正西注入

大地曰地中海

泰西名墨力特爾勒尼安一作美的德拉克

由西而東約七千餘里再

分小汊注東北成巨浸曰黑海

泰西名勒必西

周迴約二三千環波羅

的海南盡地中海黑海之北岸爲歐羅巴全土其地自夏以前土

人游獵爲生食肉寢皮如北方蒙古之俗有夏中葉希臘各國初

被東方之化耕田造器百務乃興漢初意大里亞之羅馬國創業

垂統疆土四關成秦西一統之勢漢史所謂大秦國也前五代之  
末羅馬衰亂歐羅巴遂散爲戰國唐宋之間西域回部方強時侵  
擾歐羅巴諸國蒼黃自救奔命不暇先是火炮之法創於中國歐  
羅巴人不習也元末有日耳曼人蘇爾的斯始倣爲之猶未得運  
用之法明洪武年間元駙馬帖木兒王撒馬兒罕威行西域歐羅  
巴人有投部下爲兵弁者攜火藥砲位以歸諸國講求練習盡得  
其妙又變通其法創爲鳥鎗用以攻敵百戰百勝以巨艦涉海巡  
行西關亞墨利加全土東得印度南洋諸島國聲勢遂縱橫於四  
海現大小共十餘國

波羅的海之東岸有大城曰彼得羅堡

一作必特爾  
爾土木爾 義羅斯之都城

也。波羅的海之西岸與大西洋海相表裏。地形如葵扇下垂。曰瑞  
國。從南岸突出如臂。曰波羅的海之門。閬與瑞國作凹凸之勢。曰  
噠國。噠國之南曰日耳曼列國。爲歐羅巴之中原。日耳曼之東北  
臨波羅的海。曰普魯士。日耳曼東南曰塞地利亞。塞地利亞之東  
南臨地中海。曰土耳其。土耳其有三土。此其西土。中東兩土在亞細亞界內。土耳其之南地  
形如人掌。拊於地中海。曰希臘。日耳曼之南曰瑞士。再南如人股  
之著。屐入於地中海。曰意大利。亞列國。日耳曼之西北臨海。曰荷  
蘭。荷蘭之南曰比利時。比利時之南曰佛郎西。佛郎西之西南曰  
西班牙。西班牙之西臨大西洋海。曰葡萄牙。佛郎西之西北有三  
島。雄峙海中。曰英吉利。

歐羅巴諸國之名諸書異說幾難辨識。有一國本有數名者。有本係一名而譯寫轉音遂致言人人殊者。今採輯於後以資考核。

俄羅斯

俄羅斯○鄂羅斯○厄羅斯○阿羅思○幹魯思○兀魯思○羅刹○羅車○葛勒斯○縛羅答○莫哥斯未亞○薩爾馬西亞○魯西亞○沒壽咄

瑞典

瑞典○蘇以天○瑞丁○綏林○瑞西亞○綏亦古○西費耶斯科○里都亞尼亞○匪馬爾如○波的亞○藍旗

噠國

噠馬○領墨○吝因○丁抹○大尼○丹麻爾○大馬爾齊○雪際亞○蘇厄祭○盈黎馬祿加○低納馬爾加○

黃旗

日耳曼

阿勒曼○阿里曼○占曼尼○耶馬尼○熱爾麻尼○亞勒墨尼亞

普魯士

普魯社○部魯西亞○埔魯寫○圖理邪○破魯西○比阿爾彌亞○單鷹國

奧地利亞

奧斯特的里亞○阿士得釐亞○阿士氏拉○歐塞特里阿○莫爾大未亞○東國○雙鷹國

土耳其

土耳其○都耳基○多爾其○特爾濟○都魯機○杜爾格○拉鳴爾○病多馬諾○阿多曼

希臘

額里士○額力西○厄勒祭○厄肋西亞

瑞士

瑞士○束色楞○綏沙蘭○蘇益薩○黑爾威西亞

意大利亞

以他里○以他利○伊達利○羅問○羅汶○那嗎○薩都爾尼啞○厄諾地里啞○奧索尼啞

荷蘭

和蘭○賀蘭○法蘭得斯

比利時

比勒治○惟理儀○北義○比爾啞喀○比利日加○密爾閏○彌爾尼壬○比利閏

佛郎西

佛蘭西○法蘭西○佛郎機○佛朗機○佛朗西○奧盧○奧祿○牙里亞

西班牙

是班牙○斯扁亞○士便○干絲蠟○義斯巴尼亞○以西把尼亞○大呂宋○意卑里亞

葡萄牙

葡萄牙○葡萄牙○葡萄牙○布路亞○波耳都欺○博爾都鳴亞○伯爾都牙里○大西洋○盧西達尼亞

英吉利

英俄黎○英圭黎○膺吃黎○諸厄利○英倫的○及列的不列顛

按以上各國惟我羅斯與中國互市在西北陸路不由海道其至粵東貿易者英吉利船最多居各國十分之六西班牙之船大半自呂宋來粵東稱大小呂宋不稱西班牙船之多幾過於英吉利而洋米之外少別貨此外則塞地利亞普魯士次之噠國荷蘭又次之瑞國又次之佛郎西貨船每歲來粵多不過三四隻少則一二隻所載皆呢羽鐘表諸珍貴之物葡萄牙即居澳門之大西洋其本國商船來者甚稀日耳曼之翰堡一作昂不爾厄北閔一作不來梅兩埠閒有貨船來粵比利時現求通商船尙未來意大里亞近分四國商船無來者土耳其係回回希臘新造小

國向未通商。

泰西人有歐羅巴列國版圖說。一曰俄羅斯國王主治地三百

二萬正方里。居民四千一百萬人。每年進帑五千二百萬圓。洋銀

皆以圓計重者七錢二分輕者四五六錢不等國家欠項二萬萬圓。額兵六十萬。戰時

百萬餘。師船三十六隻。○二曰英吉利女王主治地三十萬正

方里。居民二千二百萬人。每年進帑二萬二千八百萬圓。欠項

三十五萬萬圓。額兵九萬。戰時三十七萬。師船六百十隻。戰時

千餘隻。○三曰佛郎西國王主治地六十三萬正方里。居民三

千二百萬人。每年進帑一萬五千七十萬圓。欠項四萬八千萬

圓。額兵二十八萬。戰時三十二萬。師船三百五十隻。○四曰墨

地利亞國王主治地七十五萬平方里。居民三千二百萬人。每年進帑五千二百萬圓。欠項二萬萬圓。額兵二十七萬。戰時七十二萬。師船三十一隻。○五曰普魯士國王主治地三十萬平方里。居民一千二百萬人。每年進帑三千萬圓。欠項一萬一千四百萬圓。額兵十五萬。戰時五十二萬。師船未詳。○六曰西班牙女主治地四十一萬平方里。居民一千三百萬人。每年進帑二千六百萬圓。欠項二萬三千餘萬圓。額兵四萬六千。戰時十七萬。師船今無。○七曰土耳其國王主治地六十萬平方里。居民九百餘萬人。每年進帑一千一百萬圓。欠項三千六百萬圓。額兵八萬。戰時二十萬。師船百有餘隻。○八曰瑞國國王主

治地六十七萬正。方里。居民三百八十萬人。每年進幣七百萬圓。欠項一千七百萬圓。額兵四萬五千。戰時十三萬。師船三十隻。○九曰噠國。國王主治。地一十五萬正。方里。居民二百萬人。每年進幣四百萬圓。欠項四千萬圓。額兵三萬八千。戰時七萬四千。師船一百隻。○十曰葡萄牙。女主主治。地一萬八千正。方里。居民三百七十萬人。每年進幣八百七十萬圓。欠項二千四百萬圓。額兵四萬。戰時七萬。師船二十三隻。○十一曰荷蘭。二王分南北主治。北曰荷蘭南曰比利時。共地七萬七千正。方里。居民六百九十餘萬人。每年進幣一千二百萬圓。欠項一萬七千八百萬圓。額兵四萬三千。戰時六萬九千。師船一百餘隻。○十二曰拿

破里

一名捏不爾士又作那不勒斯意大利亞所分國

國王主治地一十二萬正方里

居民七百四十萬人每年進帑一千二百萬圓欠項八千四百

萬圓額兵二萬八千戰時六萬師船十二隻○十三曰撒地尼

一作沙力尼阿又作薩爾的尼亞亦意大利亞所分國

國王主治地七萬四千正方里居

民四百一十萬人每年進帑八百七十四萬圓欠項二千四百

萬圓額兵二萬八千戰時六萬師船八隻

意大利亞本分四國兩國之外尚有羅馬

突加拿二國此說遺之

○十四曰瑞士無國王民自推鄉長理事地三萬

二千正方里居民二百萬人每年進帑二萬五千圓鄉兵三萬

三千丁○十五曰希臘國係新造地域稅入兵額未詳○十六

曰日耳曼分四國一曰巴華里

一作拜焉又作巴威也拉

有國王地九萬正

方里。居民四百萬人。每年進帑一千四百萬圓。欠項四千四百萬圓。額兵五萬三千。戰時七萬一千。二曰漢那華。一作漢挪瓦。又作亞諾威。

爾有國王。地四萬二千正方里。居民一百五十萬人。每年進帑

四百六十八萬圓。欠項一千二百萬圓。額兵一萬二千。戰時二

萬六千。三曰味耳典白。一作威丁山。又作瓦爾敦巴耳。有國王。地二萬正方里。

居民一百五十萬人。每年進帑三百三十四萬圓。欠項一千萬

圓。額兵四千。戰時二萬七千。四曰撒遜。一作撒孫。又作薩克。索尼亞。又作塞循。地

一千五百正方里。居民一百四十萬人。每年進帑八百七十四萬

圓。欠項一千二百萬圓。額兵一萬三千。戰時二萬四千。別有大

小侯國二十餘。不在此內云。○余按此說各國地域之正方里。

與中國開方法不同。不知其如何折算其所列進帑兵額師船之數。與別書多不合。殊不足據。所謂欠項者。乃國所欠於民之數。西土之例。國有兵事。則聚鄉紳於公會。令其籌辦兵餉。皆貸於富商大賈。而歲償其息。愈積愈多。或罄一歲之入而不足以償。則加稅額以取盈焉。民之怨畔。國之衰弱。半由於此。

歐羅巴一土。以羅經視之。在乾戌方。獨得金氣。其地形則平土之中。容畜滄海數千里。迴環吞吐。亦與他壤迴別。其土膏腴。物產豐阜。其人性情縝密。善於運思。長於制器。金木之工精巧。不可思議。運用水火。尤爲奇妙。火器創自中國。彼土倣而爲之。益加精妙。鑄造之工。施放之敏。殆所獨擅。造舟尤極奧妙。篷索器具。無一不精。

測量海道處處誌其淺深不失尺寸越七萬里而通於中土非偶然也。

西北之耀武功始於漢故稱中國爲漢人嶺南之聚番舶始於唐故稱中國爲唐人然唐時之番舶亦不過南洋小西洋諸島國王涯之胡椒八百斛故南洋產也後來盛稱波斯胡波斯卽今之包社在印度之西中土統謂之小西洋歐羅巴諸國之東來先由大西洋而至小西洋建置埔頭漸及於南洋諸島然後內嚮而聚於粵東萌芽於明中濫觴於明季至今日而往來七萬里遂如一葦之杭天地之氣由西北而通於東南倘亦運會使然耶。

歐羅巴之人長大白皙隆準深眶黃睛

亦有黑睛者

鬚多連髻或繞頰

有條直似中土者有拳曲如虬髯者有全薙者有全畱者有分別  
畱髭髯如中土者不關乎老少也髮畱二三寸許長則剪去鬚與  
髮多黃赤色。明季稱荷蘭爲紅毛近年稱英吉利爲紅毛皆因其  
鬚髮之黃赤然歐羅巴人皆如此非獨兩國爲然也  
閒亦有黑色者。髮黑者女子髮與睛亦然或云居中土久則鬚髮  
與睛漸變黑其男女面貌亦有半似中土者男子冠平頂圓箭窄  
簷高三四寸或氊或帛見客則釋冠以爲禮皆闊領及領窄袖束  
身長僅及腹袴亦緊束於股外襲之衣畧寬長可及膝敝其前襟  
其衣內用布外用呢冬不裘夏不葛履屨並著以革爲之女人髮  
全畱挽髻畧似中土衣亦窄袖貼身而無領前露胸與肩之半後  
裸背之近項者約五六寸出門則襲闊領之衣掩蔽之下著裳長

拂地腰皆襃積約五六層男女皆好潔日就浴盤

歐羅巴諸國迤南者在北黃道之北寒暑畧似中原迤北者在北黑道之南積雪至五六尺堅冰至三四尺俗傳西洋人畏冷誤矣冬月室皆熾炭衣氊數重無著皮者所傳畏冷者乃黑夷黑夷皆印度或南洋各島人與赤道相近亘古未見冰雪其遇祁寒而瑟縮也宜矣

歐羅巴五穀之種皆備極北嚴寒多種油麥日耳曼以南以小麥大麥莠麥爲主。義羅斯南境及土耳其以粟米黍米高粱爲主。種杭稻者惟意大里西班牙地處極南故也。果實則桃杏李柰梅櫟柑橘葡萄櫻桃橄欖桑甚無花果甘蔗皆有之。蔬菜多種以番薯

爲重食以麥麴燒作餅餌牛羊豕皆炙熟沃以醯醢食用刀匕不用箸飲用加非煮湯和以酥糖油以橄欖爲之清香不減胡麻釀酒以葡萄開有用櫻桃果仁大麥爲之者不如葡萄所釀之醇羽緞用旄牛之毛大呢用絛羊之毳棉花由五印度米利堅販運用火機織布工省而價廉五金之鑛各國多有之而義羅斯產鐵最多諸國皆取給焉銀鑛舊資日耳曼之撒遜近年取之南亞墨利加材木隨處成林橡松桤榆櫟爲多紋緻而質堅中國牲畜皆備牛與豕極大

歐羅巴諸國來粵東皆從大西洋海開行沿亞非利加之西岸南行至盡頭之岌阿穩島朴

一作好望俗名大浪山

乃轉而東北舟行至此風

濤最惡。彼土人慣於浮海。亦罔不慄慄危懼。過此乃額手稱慶。浮印度海東北行。入蘇門答臘噶羅巴之巽他海峽。又東北而至粵東。計程約七萬餘里。俗稱來三云五。蓋由大西洋來中國。約三月程。回國則須五月程。往返同途而遲速不同者。非盡由風信之順逆也。四海之水皆東趨。至尾閭而入大地。又從萬派源泉分流而出。由歐羅巴至中國。則爲順流。由中國西旋則爲逆流。故遲速不同耳。

按七椿園西域聞見錄云。義羅斯之西北有大國曰控噶爾包。義羅斯東西界之外。所轄各城。自萬戶至十餘萬戶不等。小城屬於大城。每一大城屬小城三四以至十餘。大城計一千四百

餘都城名務魯木。南北馬行九十日。東西亦然。城門二千四百。城內大江三。山河數澤。不可勝計。宮室縣亘數十百里。黃屋朱門。皆以珠寶爲飾。云余嘗讀之而疑其誕。以今考之。則西方並無此國。義羅斯之北界直抵北冰海。無別壤。其西則與歐羅巴之瑞典普魯士。奧地利亞接壤。西南與土耳其接壤。東南與波斯接壤。乃知所謂控噶爾者。蓋指歐羅巴之全土。所云與義羅斯交兵之控噶爾。乃係指土耳其。詳義羅斯土耳其圖說。今大小有數十國。爭城爭地。時合時分。不相統一。千餘年之前。惟意大里亞爲一統之朝。歐羅巴諸國皆其臣僕。其都城極大。名曰羅馬。與椿園所云務魯木者。譯音相近。然亦不過七八十里。安得馬行九十日。耶。意大里亞早

已四分五裂廢爲弱小之邦。安得一姓稱雄。如所云云耶。又俗傳控噶爾有大河。長萬餘里。闊數千里。以今考之。卽地中海。乃海水之東。注非河水之西。流椿園又云。控噶爾富甚。其汗每暗攜金銀。潛擲人烟聚集之區。如有多人爭拾。則惻然憫惕。必廣爲施濟。比戶豐裕而後已。此則尤誕。彼土以貿易爲生。嗜利如命。稅課百計。取盈猶顧。額不足。安得如許金錢。博施濟衆耶。椿園得之耳。食姑妄言之。而世乃據爲典要。亦誤甚矣。歐羅巴諸國。皆善權子母。以商賈爲本。計關有稅。而田無賦。航海貿遷。不辭險遠。四海之內。徧設埔頭。固由其善於操舟。亦因國計全在於此。不得不盡心力而爲之也。

歐羅巴諸國。自漢以後。皆奉天主教。教王居於羅馬。操列國興廢之權。明初日耳曼人路得別立耶穌教。自是諸國從天主教者半。從耶穌教者半。君民之相仇戮。列國之相攻伐。半由爭教而起。然所謂天主者。卽耶穌。其書同而講解異。天主教供十字架。肖耶穌像。而耶穌教無之。其餘教規大致相同。詳意大里圖說歐羅巴諸國紀年。皆稱一千八百幾十年。非其傳國之年數也。各國皆奉耶穌教。以耶穌降生之年爲元年。至今凡一千八百餘年耳。至各國祚數。或修或短。惟佛郎西傳世最久。其餘多者亦不過數百年。且時立女主。族姓潛移。俗傳西洋諸國。自古未易姓者。妄也。

歐羅巴所刻通書。不置閏。有三十一日爲一月者。有三十日。二十九日爲一月者。

西洋諸國。語言文字相同者。普魯士。奧地利亞。與俄羅斯。地相接也。英吉利。與米利堅。西班牙。與墨西哥。以南諸部。葡萄牙。與巴西。本三國之所分也。餘皆不相同。



# 我羅斯圖

北

北亞細亞

蒙古

外蒙古  
一作  
新蒙古

科布多  
一作  
科巴

外興安  
黑龍江

義爾古  
一作  
德斯科

土謝圖汗

外興安  
一作  
哈克圖

車臣汗

吉林

京城

朝鮮

庫頁島

外興安  
烏梁海蒙古

七尼密  
一作  
哈薩克

新疆



瀛環志畧



卷四


裁羅斯區

五

俄羅斯西境圖



## 海米北





# 俄羅斯國

俄羅斯國

俄羅斯○鄂羅斯○厄羅斯○阿羅斯○幹魯思○兀魯思○羅刹○羅車○葛勒斯○縛羅答○莫斯科未

亞○魯西亞○沒壽啡

據亞細亞歐羅巴兩土之北境復跨海據亞墨利加

之西北隅拱北冰海如玦環長約二萬餘里宇內第一大國也其

西土西界瑞典普魯士奧地利亞南界土耳其波斯東界西域回

部其東土南界哈薩克回部喀爾喀蒙古黑龍江綜其全土在亞

細亞者十之六在歐羅巴者十之四然其新舊兩都城皆在歐羅

巴其富盛之部落雄麗之城邑萃於西偏迤東之地雖廣莫乃荒

寒不毛之士其會盟戰伐亦皆與歐羅巴諸國為緣國勢在西而

不在東故隸之歐羅巴其國古稱薩爾馬西亞自唐以前為西北

散部受役屬於匈奴。唐懿宗咸通年間有酋長祿利哥者招引族類肇造邦土傳至烏拉的米爾訝羅斯訝兩世立國始有規模。周世宗顯德年間有王后理國政始崇希臘天主教其嗣位之王有十二子分國爲十二部由是兄弟鬩牆互相攻伐日就衰亂。宋理宗年間元太祖西伐滅阿羅思阿速欽察三部。皆今俄羅斯地立長子朮赤爲汗由是爲蒙古別部。元衰俄羅斯故王後裔乃稍稍振起。明嘉靖初借瑞典兵力驅逐蒙古復其土宇。後有國王號以萬者。一作伊挽又有雄畧辟地日廣達於東海之隅性殘忍好殺戮臣民數作宜萬萬人由是羣下離心傳至波利斯後國勢寢弱內訌四起時波蘭方強日見侵削國人恟懼思得賢主以靖國康熙四十年立彼得

羅爲國王

一作伯多羅又作彼達王卽別書所云察罕汗

彼得羅幼時其姊貪權欲據王

位彼得羅避禍隱寺內爲僧既爲衆所推立卑禮招致英賢與圖

國事躬教士卒騎射兼習火器悉爲勁旅由是政令更新國俗爲

之一變境內旣平乃巡行邊界開通海口嘗以戢人不善駛船變

姓名走荷蘭投舟師爲弟子盡得其術乃歸治舟師與瑞典戰勝

之瑞典割芬蘭以講遂建新都於海濱曰彼得羅堡

一作必特爾士木爾又作

比特革又作桑比斯德爾不爾扼

疏通波羅的海道水陸皆操形勢戰勝攻取

土愈闢戡羅斯近世之強大實自彼得羅始也彼得羅歿其后嗣

位敏慧有權謀所任大將名震隣國疆土益廣乾隆二十年王后

加他隣

一作加達利納卽他書所云扣肯汗

嗣位淫蕩多嬖而精於理事招致他國

百工厚給廩餼。教國人以藝事。廣延文學。兼修武備。南隣之土耳其。回部大國。與我構兵數十年。后累挫其鋒。割其北境。又分割波蘭。三分之二。后死。嗣王卽位。見弑。子亞勒山德黎繼立。與佛蘭西連兵數年。講和而罷。弟尼歌拉士嗣立。一作尼哥勞伐土耳其。大捷。波斯來侵。擊退之。割其日爾日等屬部。威聲甚著。卽今在位之王也。其國大畧分四部。在歐羅巴境內者。曰波羅的海東部。曰波蘭部。在亞細亞境內者。曰高加索新藩部。曰西伯利部。

波羅的海東部。西抵波羅的海。東至烏拉嶺。

烏拉嶺北起北冰海南至白爾摩長約四

千里歐羅巴亞細亞兩土以此嶺爲界

北距北冰海南盡黑海。南北約七千餘里。東

西約五千餘里。我羅斯本國之全土也。地形平坦。東方始見山嶺。

大勢分五域。曰東戡。曰大戡。曰加戡。曰小戡。曰南戡。○東戡在國之西北境。因據波羅的海東岸。故稱東戡。地分五部。首部曰彼得羅堡。其故王彼得羅建新都於此。因以爲名者也。沿海一帶平野蒼茫。松榆茂密。間有狹田地。氣寒甚。冬氣居六月之久。都城在尼瓦河口。近偏海港。西風起。則水湧入城。街衢泛溢。城內多廣廈傑構。王廷長四十五丈。闊三十八丈。金彩耀目。宏麗爲西國之最。泰西人造屋。皆層樓疊架。繞以迴廊。外無牆垣。院落雖王宮亦如此。居民四十二萬五千。內水陸兵五萬五千。客民二萬五千。別有藏軍器之城。曰立冕。彼得羅堡之西南曰斯多尼亞部。再西南曰里窩尼亞部。兩部內港有大埔頭。曰利牙。每年出入商艘千餘。再南曰孤爾蘭的亞部。彼得羅堡之

北曰芬蘭部。本瑞典東北境。戰勝割得之地。極廣莫而氣候寒冽。人戶貧乏。○大戕戕之。中原毘連北地。幅員遼闊。故稱大戕地。分十九部。首曰墨斯科部。一作木吉在四境適中之地。戕之舊都也。規制鉅麗。百官之居。皆飾以金銀。嘉慶十六年。佛郎西拿破侖新得國勢方張。欲混一西土。以大兵伐戕。圍墨斯科城。將陷。戕人恐其據之也。燒之而走。火旬日不息。佛師退。乃次第修復。王殿廣七十丈。長二百一十丈。宇內宮闕之高大。殆無與比。墨斯科之左曰瓦拉的迷爾部。曰尼內諾烏痾羅部。舊爲國之大市。今已衰廢。曰赫阿匣部。墨斯科之右曰加斐牙部。百工萃集之地。曰斯摩梭斯科部。墨斯科之南曰都拉部。其民冶鐵鑄造各器。曰當波弗部。曰

痾勒爾部曰窩羅尼日部曰古爾斯克部墨斯科之北曰哥斯德  
羅罵部曰日羅斯拉部曰的威爾部曰北斯哥弗部再北曰痾勒  
內部曰窩羅痾達部曰諾弗哥羅部三部地氣皆寒冽極北臨北  
冰海曰亞爾千日爾部廣莫倍芬蘭而荒寒不可耕人戶甚稀多  
以捕魚爲業加匱諸部之粟時由內河往羅極北濱海之民皆短  
小以犬爲馬以鹿爲牛有天使頭城在白海內港之濱冰消之時  
商船可以出入○加匱我在大我之東本回部地明嘉靖間我攻  
得之分爲五部地腴坦宜稼產穀甚豐又產木材銅鐵番鹵其民  
善於硝皮首部曰加匱加匱之南曰新比耳斯克部新比耳斯克  
之西曰奔薩部加匱之北曰維亞德加部再東北曰白爾摩部○

小戕在大戕之西南舊本戕地爲波蘭回部所侵割尋復奪還其地氣候溫和不川原清曠綠柳垂楊相望葡萄柑橘皆繁生其民耕田熟皮造番鹵各勤本業分三部曰究部曰厄加德黎諾斯拉部曰者爾厄疴弗部○南戕在大戕小戕之南土脈膏腴產穀最多分羅諸國地分五部曰加的勾巴爾的哥部曰給爾孫部曰比薩拉比亞部在黑海中者曰擣里達部小山疊秀地氣溫煦稱樂土加的勾巴爾的哥之東曰薩拉德夫部其種人曰可薩悍勇善戰馳騎如飛戕人每用以破敵稱爲勁旅其開拓西伯利廣土皆此部兵力也○西伯利部戍守之兵亦皆此部人

波蘭部

一作破蘭又作波羅尼亞又作惹鹿惹也

在海東諸部之西南先是有查遮爾

倫國者與波蘭隣。其王贅於波蘭女主。遂與波蘭合。後爲義羅斯所取。稱爲西義其人。白皙。又稱白義。迨後波蘭衰亂。義羅斯與奧地利亞普魯士瓜分其國。義得三分之二。道光十二年。波蘭遣臣據地起兵。與義軍戰。潰敗而逃。其地卒歸於義。合前所得白義地。統稱波蘭部。白義地廣闊平坦。草茂土肥。宜耕宜牧。其民修潔。屋宇整峻。分六部。曰威德比斯科部。曰摩宜勒威部。曰明斯克部。曰維里納部。曰哥羅德諾部。曰窩黎尼亞部。曰波多里亞部。波蘭地蕩平如砥。林茂草芳。穀果俱豐。兼產材木。煤炭。蠶蜜。分八部。曰馬索維亞。曰加拉哥維亞。曰三多迷爾。曰加利斯。曰魯伯林。曰波羅略。曰波達拉給亞。曰亞烏斯多窩。

八部地界原圖未分畫

高加索新藩部

一作告  
甲俗

在海東諸部之東南亞細亞極西之土也

南境有高加索山西壓黑海東抵裏海綿亘蜿蜒千峯矗起其北

境環抱裏海地勢平闊達於加匭部之白爾摩舊本游牧回部我

羅斯以兵力取之迤南在高加索山南北者皆土番種類獷悍異

常舊屬土耳其波斯兩國近年俱為我羅斯所割置新藩五大部

極北者曰疇倫不爾厄部

一作阿  
隣堡

地接西域回部豐草鋪原蒙回

各部互市於此以馬牛羊易布疋疇倫不爾厄之西南曰阿斯達

拉干部

一作廷  
大罕

為五藩部之都會窩瓦河從西北來由此入裏海

兩岸草場豐美牧畜蕃庶

即土爾扈特寄居游牧之地西域聞見  
錄謂烏巴錫因河冰未合牽河南戶口

內附而遺其河北今考窩瓦河自西北而東南烏巴錫之東徙蓋攜其河東戶口而遺其河西也

其地通衢四達

西域游牧各部互市者絡驛於途故富饒爲五部之最女子絕美各部爭買爲婢妾價極貴有才能者或爲妃后裏海產鱸魚龍土人長於釣捕販行甚遠阿斯達拉干之南曰薩加社一作色爾各設又作額勒阿在高加索山之陰種人居巖谷不事耕作貧甚而性特悍猛習於剽劫鄉皆土堡自練丁壯爲兵梗令揭竿時時有之戡軍收捕往往挫衄僅羈縻以固邊圉不能使之馴擾也薩加社之南曰諾尼阿部一作額里在高加索山之陽本屬土耳其後稱兵叛土戡羅斯征服之收爲藩部其地山嶺崎嶇戶口繁而貧販鬻男女爲奴婢民俗悍獷甚於薩加社諾尼阿之東曰日爾日部一作熱阿義東距裏海跨高加索山之南北本屬波斯嘉慶十八年戡羅斯戰勝割取

之民俗與諾尼阿同。男女多美姿容。會城曰得勒。甚卑陋。戕人修

飾之。漸改觀矣。

薩加社諾尼阿日爾日三部近年又分爲八部。日爾日日是爾尊曰亞爾美尼亞曰義米勒多日

明哥勒里亞曰達日斯丹曰西爾加西亞曰亞巴西亞八部之外又別立高加索省原圖皆未分畫

西伯利部

一作西卑里亞又作悉比釐

亞細亞之北境也。西起烏拉嶺。東距大

洋海。北距北冰海南抵外興安嶺。界黑龍江。索倫喀爾喀烏梁海

蒙古哈薩克回部。長約一萬三千里。寬約五千餘里。地處窮髮之

北。限以峻嶺崇山。自古輶車之所未至。歷代行國之所不居。在大

地爲別一區宇。其地氣候極寒。迤南猶見草木。迤北勾萌鮮萌。僅

有矮松白楊。一年中冰雪凝結者九閱月。其人種類各殊。戶口甚

稀。游牧者或偶至焉。寒冽不可久留。故庭幕不傳於紀載。元代有

漠北藩王。嘗探悉其地。欲跨嶺割據之。以險遠而止。前明中葉。義羅斯既興。有商舶於冰消時。駛至西伯利海岸。以洋貨易皮貨。日漸狎熟。盛誇義之富強。其頭人有率戶口至義者。賄其國都市。廩宮殿之壯麗。傾心歸向。各部競相傳播。咸貢方物。爲藩屬。義建炮臺於烏彌河口。扼險要以控制之。漸徙罪人供力役。築城戍。於是西伯利西方諸部。不費兵力。咸爲義有。尋復展轉東畧。阻於冰雪。獨薩拉德夫之兵。能躡冰前進。遂征服東方諸部。達於東海之隅。

義羅斯與我爭雅克薩城卽此時事

至加他隣后時。遣其臣墨領向東北探尋。知亞

細亞與亞墨利加一土不連。中隔海峽數十里。遂名其峽曰墨領

峽。因跨海據亞墨利加之一隅。綜西伯利全土。東部所產惟皮貨。

狐狸、兔、貂、鼠、獺之類皆備。專售中國。西部兼產金、銀、銅、鐵各鑛。鐵尤多。每歲得百餘萬担。泰西諸國皆仰給焉。地分八部。曰德波爾斯科。曰多木斯科。曰也尼塞斯科。曰疇慕斯科。曰義爾古德斯科。曰亞古德斯科。曰疇哥德斯科。曰岡札德加。○德波爾斯科與海東部之亞爾千日爾疇勒內白爾摩等部相連。以烏拉嶺爲界。地氣寒甚。產金、銀、銅、鐵鑛。○多木斯科。一作多僕在德波爾西南。與海東部之白爾摩疇倫不爾厄等部接壤。其南與西域之哈薩克回部、毘連游牧者時來侵掠。雖有防兵不能禁也。我有大酋駐此總理。東方兼督鑛務。○也尼塞斯科。一作益士云在德波爾之南。多木之東。有草場。出各鑛。南境與哈薩克毘連駐兵四千以防侵擾。○疇慕

斯科

一作東色

在也尼塞之東。地頗豐饒。善釀酒。人多沈湎。南境抵外

興安嶺。與烏梁海各部接壤。○義爾古德斯科

一作耳谷

在疇慕之東。

地極廣大。出銀鉛鑛。兼產皮貨。每年所得鉛與皮甚多。足助國用。

其人多美丰姿。頗講文學。南境抵外興安嶺。與喀爾喀蒙古土謝

圖汗車臣汗兩部接壤。南界有甲他城。卽內地所稱恰克圖。中國

與我人互市於此。庫倫辦事大臣司其事。彼以皮來。我以茶往。○

亞古德斯科

一作牙谷

在義爾古德之東。南境抵外興安嶺。與黑龍江

接壤。康熙年間。議定疆界。立有界碑。其地寒甚。冰雪之消融者。每

歲止得三四月。人戶稀少。射獵之外。無生計。我人取其所得之皮。

以當賦稅。○疇哥德斯科

一作阿谷

在亞古德東北。地盡亞細亞之東。

北隅寒冽過於亞古德。土人亦以獵獸爲生。義設官以賦其皮。城  
建海濱。與海東各島通商。以收皮貨。○岡札德加。一作堪察加在疇哥  
德之東。東界斜伸入海。形如大刀頭。其地終年寒冽。草木稀疏。海  
鳥翔集如蠅蚋。居民捕魚爲食。穴地而居。卽東省所謂魚皮韃子 義人設口  
收皮。朝臣有重罪者。流竄於此。○自亞細亞極東北至亞墨利加  
海中各島。稱亞律羣島。迤南接日本各島。稱古利羣島。皆產皮。義  
船往來收皮。繫於中國。○北亞墨利加之西北隅。曰監札加。義人  
逾疇哥德之墨領海峽。跨而有之。地寒凍無他產。所得者皮貨而  
已。

義羅斯雖分四大部。而大勢則東西兩土。西伯利其東土也。海東

波蘭二部其西土也高加索新藩部地雖在亞細亞而與海東部  
牙錯亦西土也東土曠邈無垠雪窖冰天自古爲不毛之土境內  
有勒拿葉尼賽阿比等大河大半發源漠北流入北冰海湖之大  
者曰蘇米曰排半土人戶口稀疏雜以流寓亦甚寥落種族難稽  
土俗亦無可言物產則東皮西鑽皆獲無窮之利亦外府之一奇  
也西土三部周迴萬餘里半皆平土立國雖在北境沃壤則多屬  
南方河流之最長者曰窩瓦東南流七千餘里而入裏海地尼伯  
河南流入黑海頓河西南流入亞速即阿速海灣土味拿河西北流  
入波羅的海隅阿尼牙河北流入白海西北多大湖曰刺多牙曰  
阿尼牙曰西峩其海口之可通舟楫者北方則白海之隅澤加牙

之灣。西北則芬蘭利牙之灣。西南則亞速之灣。港汊四通。舟行似便。惟因地氣嚴寒。海水之不冰者。歲不過六七月。或四五月。船不能以時往來。其南界之黑海。由他大尼里海峽。與地中海一綫相連。海道不如他國之通利。是以遠涉為難。其民各分種族。一曰薩刺瓦族。居齊民之大半。曰力丁族。居波羅的沿海。曰芬族。即芬蘭土人居西北方。曰韃韃里族。游牧於南方。奉回教。即西域回部種類曰甲才族。亦游牧。奉佛教。蒙古種類曰日耳曼人。墾種新地。曰猶太散民。務百工。地之所產者。五穀之外。麻與皮為多。麻織帆布。售於各國。皮轉售於中國。其木多橡榆松。由海道運於各國。南方多馬。北方多牛。牛之油與皮。運出無窮。東界之山。產金銀銅鐵金鋼石。其民衣長衫。

冬著羊皮食物最粗以大麥粉爲湯粉水爲飲人多嗜酒身體不  
浴冬月嚴寒臥爐上以取溫其俗重希臘教門亦天主教別派京  
師有總教主大有權勢其各教師散居各部有廟七十萬閒僧一  
十六萬人男寺四百八十所女寺一百五十六所

俄羅斯有宰相筦政事有大事王召貴者一百二十人議於公會  
其部有八畧如中國之六部益以宗人理藩每年關稅田賦雜稅  
共銀七千八百萬兩陸路額兵六十一萬長於馬隊火器亦精水  
師大兵船四十隻戰船三十五隻兵船二十八隻小船三百隻水  
手四萬丁軍法嚴每排陣軍士屹立如磐石無敢移步者用刑最  
酷榜掠之刑慘於死俗尚畜奴僕貴官富商每人所畜以數十百

計通國奴僕凡百餘萬浮於兵額

按我羅斯舊國在秦漢爲渾庾屈射堅昆丁零諸部受役屬於匈奴在唐爲黠戛斯骨利幹等國宋末元太祖起北方拓地西域以阿羅思等

卽我羅斯轉音

三部分其長子乃東我大我兩部地非

今日我羅斯之全土也元氏旣衰我羅斯故王後裔再燃餘燼

假隣國西費耶忒兵力

今瑞典國

驅逐蒙古恢復疆土迨後日益強

盛沿北海漸拓而東繞出西域回部外蒙古諸部之北直達黑

龍江東北徼外名曰西伯利部我

朝順治年間築城於雅克薩侵擾索倫諸部稱爲羅刹屢遣兵毀

其城輒復據之康熙年間兩致國書復由荷蘭附書諭其國王

其王乃遣使上書乞撒雅克薩之圍分定疆界立碑爲志通貿易於車臣汗部之恰克圖并遣人來京師學習漢文每十年更易沿爲常例其西境自彼得羅崛起日益恢拓西割瑞典之芬蘭南兼高加索迤北諸部西取白峩諸部又割波蘭三分之一土耳其波斯北境亦多被侵割於是俄羅斯境土北環北冰海西據波羅的海東距大洋海即東海又跨海據北亞墨利加之一隅長約二萬餘里其南北之勢則西土較闊約六七千里東土較狹約四千里宇內疆土之恢闊無過俄羅斯者宜其強大莫與京矣然在歐羅巴諸國中亦不過比肩英佛而未能定霸於一方者何也嘗以詢之雅裨理曰彼所有者多北裔窮荒

之土其東部層冰積雪草不繁牲不育不可遊牧故漠北諸部棄而不居我人得之收其皮鑛之利所謂人棄我取非力能驅除而據爲已有也迤西入歐羅巴界戶口稍盛再西至大我東我之南不乏名都大邑然較之英佛諸國總覺土滿舟楫之利火器之精心計之密又遠遜於諸國逐鹿海隅往往瞠乎其後特因其疆土之廣究係海內大國故諸國亦未敢輕視之比權量力不過齊秦晉楚相爲匹敵已耳

我羅斯都城臨海亦有巨艦數十然水戰究非所長故不能在大海中與諸國角勝其貨船亦止往來西洋諸國未嘗涉大洋而至粵東蓋其國物產之最多者曰銅鐵曰麻布曰木料曰牛

馬隣近諸國皆仰給焉。不必求售遠方。最珍貴者皮貨。如狐貂。海龍。駱駝。羆。洋灰。鼠之類。專以供中國之用。入海。舶而載至。炎方。計無不朽敗者。通市之在陸。而不由海。職是故也。

西域聞見錄云。我羅斯本控噶爾屬國。我羅斯缺其朝貢。又與兵擾其邊。控噶爾以大兵臨之。我羅斯恐懼乞降。增其歲貢。控噶爾乃舍之。又云。當我羅斯與控噶爾連兵。屬國土爾扈特不堪徵調之苦。其汗烏巴錫叛我羅斯。率其人戶度戈壁內附。正乾隆年間。勘定西域之時也。今考歐羅巴諸國。并無控噶爾之名。百年以來。諸大國與我羅斯構兵者。止有土耳其。佛郎西。波斯三國。佛郎西之侵我。係嘉慶十六年。我人焚舊都以避之。其

禍最烈。事在土爾扈特投誠之後。波斯之役。亦係近年。惟土耳其與義羅斯連兵。前後近百年。道光初年。猶交關未已。聞見錄所云交兵事。其爲土耳其無疑。土耳其都城名君士但丁。一作康思坦胎諾格爾。噶爾卽格爾。上五字之訛。爲控。或由於轉音。省文。舊本羅馬東都。後來猶冒羅馬之名。故聞見錄稱控噶爾都城名務魯木魯木。卽羅馬之轉音也。土耳其本回部大國。所據者西土形勝之地。恃其虜悍。敢於侵擾強隣。義羅斯與之構兵。至數十年之久。徵發及於屬藩。蓋非得已。烏巴錫素不知兵。出輒撓敗。多所亡失。又爲舍楞所愚。欲恢復伊犁舊牧。傾國東徙。爲哈薩克所掠。逼入沙漠。種類幾致覆滅。乃決計內附。賜牧

於喀拉沙爾。俄羅斯與控噶爾連兵之事。卽土爾扈特人所傳。述然。土耳其雖稱強大。比權量力。究非俄敵。疆場之役。俄屢勝。而土屢北。未聞俄之挫於土也。烏巴錫怨俄羅斯徵調之煩。致已狼狽失國。故盛誇敵人之強大。以輕蔑之。七椿園於大西洋。國土形勢。概乎未有聞。遽信其夸誕之說。杜撰一莫大之控噶爾。比諸懸圃瑤池。同一荒唐矣。或云控噶爾乃圖理雅國王之名。曾與俄羅斯爭地相戰。烏巴錫傳述此事。誤以汗名爲國名。今考泰西人紀載。圖理雅卽普魯士。國勢遠遜於俄。乾隆年間。並無與俄交兵之事。



瑞  
國  
圖

北冰海

此一帶統名芬蘭本瑞國地割歸俄羅斯

俄羅斯界

俄羅斯界

臘巴蘭

蘭那

波羅林

斯摩

波羅的海

蘭島

國建

大西洋海



瑞國

瑞國

瑞典○蘇以天○瑞丁○瑞西亞○綏林○綏亦古○西  
費耶斯科○里都亞尼亞○匪馬爾如○波的亞○藍旗歐

羅巴極西北境舊分瑞典挪耳瓦

一作諾魯威呀

二國今并爲一國

東南距波羅的海西北距大西洋海北負北冰海南北約三千餘

里東西約一千餘里地形如葵扇下垂中有連山脊起瑞立國在

山之東西則挪耳瓦故地也地極廣漠而荒寒特甚土復瘠瘠故

民食鮮薄戶口稀疏古時爲野番部落兩漢時流入日耳曼界內

散處各國趙宋初有大酋厄里哥招集部人建造城邑是爲瑞典

立國之始是時挪耳瓦亦推大酋合羅爾德爲王數傳後挪耳瓦

爲噠國所兼并明洪武年間噠王后馬里加爾達有權畧以術招

誘瑞民隸大尼

即噠國

爲一國。噠國由是日強。再傳至后孫殘忍好

殺。瑞民多怨。畔瑞有王孫曰撒瓦。

一作古斯達

英果不羣。隱圖恢復。噠

人繫之獄。易服逃回瑞地。噠使吏逐捕撒瓦。走北地。匿僧舍。乃免。

因涕泣募土人。誓以除虐復仇。引兵伐噠。累戰皆捷。故土全復。嘉

靖二年。撒瓦卽王位。威惠並行。瑞國大治。王卒。世子嗣位。荒淫無

政。爲國人所囚。仰藥死。萬曆三十八年。王俄世答嗣位。時日耳曼

王

即奧地利亞。尙天主教。諸國遵耶蘇教者。咸被攻伐。瑞素崇耶蘇教。

王救諸國之同教者。帥師伐日耳曼。中礮殞於陣。其大將卒戰勝。

乃班師。王女基利斯的那嗣位。癖好文學。厭苦兵事。遜位於外戚。

加爾祿斯之羅馬游學。不復反。加爾祿斯以康熙三十八年嗣位。

加爾祿斯一作查理第十二加年十八血氣方剛銳於戰伐以兵  
爾祿斯卽查理譯音之不同也  
侵波蘭割其境土之半波蘭大尼義羅斯連兵來伐王擊敗之威  
聲震一時後再攻波蘭之烏哥來納部全軍盡覆親赴土耳其求  
援五年不得請乃歸復引兵攻挪耳瓦之非德黎沙爾戰死城下  
義羅斯因以大衆威之嗣王累戰皆北割東境之芬蘭以講義兵  
乃罷當義兵之方急也諸酋各懷去就或專擅自恣王銜之事定  
之後王與諸大邦聯盟將討諸酋之不軌者諸酋懼謀弑王禮拜  
日伏客以火鎗擊殺之王子嗣位性卞急好用兵師屢撓敗括餉  
愈急國人噪變逐王嘉慶十四年國戚加爾祿斯攝王位其養子  
伯爾拿多的佛郎西人曾爲大將智畧過人攝王委以政柄修武

倚結會盟。用兵謀定。而後戰。所向克捷。攝王因傳以位。亦更名加爾祿斯。卽今在位之王也。西境之挪耳瓦。本屬噠國。嘉慶二十年。各國公使會議於維也納。以瑞地之附近於噠者。歸噠。而以挪耳瓦歸瑞。

瑞典本國氣候極寒。迤北沙磧低窪。皆不毛之土。南界土稍沃。而濱海多淖泥。農作甚艱。恆苦乏食。富者啗餅薯。貧者屑樹皮雜醃魚。噉之所產者。木料銅鐵。舉國以此爲生計。亦產銀鉛礬磺獸皮。境內小河甚多。皆自西而東入波羅的海。其流湍急而短。舊分四大部。建都之部曰綏林波羅。都城曰斯德哥爾摩。一作士突訓建於美拉爾湖濱。廟堂華炫。樓閣重疊。外通海口。爲通國之大埔頭。南曰

曷蘭三面界海。北曰那蘭。再北曰臘巴蘭。一作勒必蘭後又分爲二十

四部。曰斯德哥爾摩。曰烏布薩拉。曰威士德來斯。曰尼哥兵。曰疴

勒波羅。曰加爾羅斯達。曰斯德拉哥巴爾卑。曰日非勒波爾。曰靈

哥兵。曰加爾馬耳。曰仍哥兵。曰哥羅諾卑爾。曰波勒金。曰斯加

拉波爾。曰厄爾弗斯波耳。曰疴德波耳。曰亞爾慕斯達。曰基利斯

的安斯達。曰馬爾摩呼斯。曰疴德維。曰諾爾波敦。曰威斯德爾波

敦。曰威斯德爾諾耳蘭。曰仍德蘭。二十四部原圖未分畫○挪耳瓦在瑞國

大山之背。地形狹長如帶。北抵冰海。西面大西洋海山。腳槎牙入

海。加蠟爪波濤蕩激。礁石嶙峋。海舟誤觸立糜。南界有腴壤稼穡

四旬卽熟。迤北多沙磧。且寒凍不毛。民多以魚爲穀。舊分六部。極

南曰幾力底斯安山。迤北東曰沃牙哈斯。西曰麻銀哈斯。再北曰特倫林。再北曰那蘭斯。極東北負北冰海。曰肥引墨。後又分爲十七部。曰亞日胡斯。曰斯馬勒難。曰里德馬爾根。曰基利斯的安。曰不斯給盧。曰巴拉德斯。北爾曰內德尼斯。曰滿達爾。曰斯達完。白爾曰仍爾盧斯卑爾。曰南卑爾仁。曰北卑爾仁。曰羅慕斯達爾。曰南德倫的音。曰北德倫的音。曰諾爾蘭。曰分馬爾根。十七部原土圖未分盡產五金銀爲多。又產花紋石。民情樸厚。善待商旅。○瑞典之臘巴蘭。挪耳瓦之那蘭斯。肥引墨。背負冰海。非人所居。稍南。夏日長九時。冬夜長九時。極北。冬有夜無晝。不見日者七十五日。夏有晝無夜。不見月者七十五日。五六兩月。暴暖。蚊蚋密如塵沙。過此雪霰。

飛集皆寒凍之日矣。居民身不逾四尺。有野獸形似鹿。繫之以當牛馬。乘騎馱載皆用之。斃則食其肉。剔其筋以爲弓。○波羅的海東岸有廣土曰芬蘭。與臘巴蘭肥引墨相連。本瑞典東境。康熙年間割歸義羅斯。瑞典有西費耶之稱費耶合音爲芬卽指芬蘭也

按瑞國處窮髮之北。在歐羅巴諸國中最爲貧瘠。而能發奮自保。不爲強隣所并。兼安樂者。禍之萌。憂患者。福之基。雖荒裔亦如是也。其商船時有來粵東者。

[illegible]

連國圖

瑞典界

波羅的海

日耳曼界

日耳曼界

斯德哥爾摩

亞爾納

石勒蘇

日耳曼

德意志  
又作塞  
爾加一  
名日倫  
爾納馬

非俄  
尼亞

英不爾厄

前德人

大西洋海

# 噠國

噠國。噠馬。○領壘。○吝因。○丁抹。○大尼。○丹麻爾。○大馬爾齊。○雪際亞。○蘇厄祭。○盈黎馬祿加。○低納馬爾加。○黃旗。歐羅巴小國也。其商船常掛黃旗。故粵東稱爲黃旗國。地形從日耳曼北出。如人之握拳。伸臂於海中者。與瑞典南境相對。作凹凸之形。北西東三面皆海。南界日耳曼列國。南北約千里。東西闊處四五百里。狹處二三百里。古時爲土番部落。性波羅非內塞。各種居之後。爲戕特族所據。與瑞典挪耳瓦合稱斯干的挪瓦國。地瘠食不足。沿海之民。皆捕魚爲糧。因操舟學泛海。漸劫掠爲海盜。諸國患之。趙宋初有大酋哥爾摩者。衆推爲王。突以兵船攻英吉利。英人蒼黃避之。遂據國都。英以厚賂緩兵。尋以計殲其衆。噠舉兵。

復仇連年侵擾不已。英許歲賂與之和。是時諸國以海寇日不齒數於列國也。後其王有駕奴特者。一作加奴度能修國政。賞罰嚴明。北伐挪耳瓦。滅之。伐英吉利。破倫敦。遂兼王英土。駕奴特死。其子繼立。爲英北族威廉所殺。噠國幾危。後復有賢主嗣位。四境乃安。明洪武十年。女主馬里加爾達嗣位。號賢明。內修政事。外聯與國。於是瑞典亦納土爲北藩。威權大振。嗣王能守其法。擴疆土。創科條。四隣咸服。其子嗣立。性酷虐。多內寵。戮酋長九十人。復欲盡滅諸酋之家。諸酋乃集議廢王。立大酋基利斯的亞奴爲王。時瑞典已立故王之裔。兩國構兵數十年。乃罷。嘉慶二年。英吉利師船至波羅的海。噠欲耀威。列巨艦陳大礮。扼之於港口。英人以師船攻。

之英師勝而船多損。乃講和而退。嘉慶九年。佛郎西拿破侖以大兵伐噠。噠與之和。拿破侖密約噠以舟師襲英。英人偵知。先以大衆攻噠。圍都城。燔郭外四百椽。城垂陷。乃乞盟。復構兵六年。國虛耗不可支。近年貿易頗盛。元氣漸復。噠舉國奉耶蘇教。迤北語音近瑞典。迤南近日耳曼。所產惟五穀牲畜。每歲賣馬萬餘匹。牛七千。穀有餘。糶於英吉利。

噠國分五部。西四部與日耳曼相連。爲波羅的海之門戶。橫亘如棖。西面沿海窪下。築長隄以捍海潮。大風起則飛沙覆田。壠畝全沒。故多種樺以堅其沙。極北曰入德蘭。地極廣漠。多沙磧。有大湖七。迤南曰勞英不爾厄。再南曰疴爾斯德音。再南曰石勒蘇益克。

後兩部地連日耳曼公會應出防兵三千六百名。

說詳日耳曼

南界有

大埔頭曰亞爾多納與日耳曼之昂不爾厄相近。時有釁爭。又有

大書院曰基里。東北有大島曰瑟納馬爾加。又名日倫。都城建於

此島之東北隅。曰哥卑納給。

一作品哈音

爲國之大埔頭。城內街衢繩

直。屋宇軒敞。居民十萬。諸國貨船出入波羅的海。必經由此港。峽

口名加的牙。關僅數里。噠設關稅。不則撻之。使不得過。諸國無

如之何。亦遂安之。其國之富強。以此。日倫之南有兩島相連。人德

蘭之東南有大島曰非俄尼亞。西界海中多小島。民乏生計。以魚

爲糧。○西北大海中有大島曰義斯蘭地亞。

一作西哀爾蘭噠所屬也。地

在英吉利三島之北數千里。氣候寒冽。同於瑞典之北境。有火山

曰挨哥辣時。迸流火漿。焚廬舍。地震最烈。往往山陵陷爲坎窞。其民善捕長鯨。取其油。獵海犬。剝其皮。以爲衣。

按噠國之在歐羅巴。壤地甚褊。未堪與諸大國比權量力也。而加的牙一港。扼波羅的海數千里之喉。噠人實掌其筦。遂翹然爲一方之傑。國之強弱。豈盡在乎疆土之廣狹哉。

